



Broj: 17-14-36219-08  
Sarajevo; 14-12-2018 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) i preporuke Komisije za dodjelu radova u postupku javne nabavke za "Nabavku i isporuku nafte i naftnih destilata za potrebe organa Kantona Sarajevo u 2019. godini." **LOT 1 – Isporučka nafte i naftnih destilata** (Zapisnik o pregledu i ocjeni ponuda broj: 17-14-36219-07 od 12.12.2018. godine), načelnik Stručne službe za zajedničke poslove Kantona Sarajevo, d o n o s i:

### **ODLUKU** **o izboru najpovoljnijeg ponuđača**

#### **Član 1.**

Prihvata se Preporuka Komisije za nabavku roba u postupku javne nabavke za "Nabavku i isporuku nafte i naftnih destilata za potrebe organa Kantona Sarajevo u 2019. godini" **LOT 1- Isporučka nafte i naftnih destilata** i dodjeljuje se ponuđaču "**HIFA PETROL" d.o.o. Sarajevo**, prema dostavljenoj ponudi broj: JN-5512/18 od 27.11.2018. godine u ukupnoj vrijednosti od **161.140,00 KM** (bez PDV-a), odnosno **188.533,80 KM** (sa PDV-om).

#### **Član 2.**

Prijedlog ugovora dostavit će se na potpis izabranom ponuđaču u skladu sa članom 72. stav (1) ZJN. Izabrani ponuđač nije dužan dostaviti dokaze o kvalificiranosti po članu 45. ZJN (originalne ili ovjerene kopije), jer je iste dostavio u svojoj ponudi kao ovjerene kopije, ali je dužan dostaviti originalne dokaze ili ovjere kopije po članu 47. ZJN (bilans stanja i bilans uspjeha za 2017. godinu), jer je u svojoj ponudi dostavio obične kopije, u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od ugovora.

#### **Član 3.**

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

### **Obrazloženje**



Postupak javne nabavke pokrenut je Odlukom o pokretanju postupka javne nabavke broj: 17-14-17-14-36219-01 od 20.11.2017. godine – "Nabavka i isporuka nafte i naftnih destilata za potrebe organa Kantona Sarajevo u 2019. godini". Javna nabavka je provedena putem postupka: Otvoreni postupak. Procijenjena vrijednost javne nabavke za LOT 1 – Isporuka nafte i naftnih destilata bez PDV-a iznosi 165.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-1-1-80-3-60/18 od 20.11.2018. godine i u „Službenom glasniku BiH“ br. 84 od 30.11.2018.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 11.12.2018. godine do 14,00 h konstatovala da su u uredno zatvorenim kovertama dostavljene ponude za LOT 1 – Isporuka nafte i naftnih destilata od ponuđača:

1.	"HIFA PETROL" d.o.o. Sarajevo, ul. Hotonj bb, 71320 Vogošća
2.	"HOLDINA" d.o.o. Sarajevo, ul. Azize Šaćirbegović 4b, 71000 Sarajevo

U skladu sa Odlukom o pokretanju postupka, Komisija za nabavku robe formirana Odlukom broj: 17-14-3-36042 od 25.10.2018. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-14-36219-07 od 12.12.2018. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "HIFA PETROL" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa,
- da se ponuda ponuđača "HOLDINA" d.o.o. Sarajevo za LOT 1 – Isporuka nafte i naftnih destilata odbija iz razloga što je ponuđena cijena (189.720,00 KM sa popustom bez PDV-a) znatno veća od procijenjene vrijednosti javne nabavke za ovaj LOT (165.000 KM bez PDV-a), a shodno članu 68. Zakona o javnim nabavkama. Naime, ponuđač "HOLDINA" d.o.o. Sarajevo za LOT 1 – Isporuka nafte i naftnih destilata dostavio je cijenu (189.720,00 KM sa popustom bez PDV-a) koja je za 14,98% veća od procijenjene vrijednosti javne nabavke za ovaj LOT (165.000 KM bez PDV-a). Stručna služba za zajedničke poslove KS ne može obezbijediti sredstva iz Budžeta KS koja su znatno veća od procijenjene vrijednosti. Iz navedenog razloga ponuda ponuđača "HOLDINA" d.o.o. Sarajevo za LOT 1 – Isporuka nafte i naftnih destilata se odbija kao neprihvatljiva, a shodno članu 68. Zakona o javnim nabavkama.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Nabavka i isporuka nafte i naftnih destilata za potrebe organa Kantona Sarajevo u 2019. godini" LOT 1 – Isporuka nafte i naftnih destilata kako slijedi:

1. "HIFA PETROL" d.o.o. Sarajevo	100,00 bodova
----------------------------------	---------------



U skladu sa kriterijem "ekonomski najpovoljnija ponuda" sa potkriterijima: cijena 85%, način plaćanja 10% i lokacija pumpne stanice 5%, **ugovor se dodjeljuje ponuđaču "HIFA PETROL" d.o.o. Sarajevo** u ukupnoj vrijednosti nabavke od **161.140,00 KM (bez PDV-a)**, a cijena sa PDV-om iznosi **188.533,80 KM**, način plaćanja 60 dana i lokacija pumpne stanice 2,3km.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 2000,00 KM, u skladu sa članom 108. stav 1. tačka c) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremio: Almir Mešić, dipl.iur.  
Kontrolisao: Sedin Kozadra, dipl.ecc.

Prilog:

1. - Zapisnik o pregledu i ocjeni ponuda broj: 17-14-36219-07 od 12.12.2018.godine

**Dostaviti:**

1. Svim učesnicima u postupku,
2. A r h i v i.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094, Fax: + 387 (0) 33 562-220  
Sarajevo, Reisa Džemaludina Čauševića 1

